



## REGIONE AUTONOMA DELLA SARDEGNA

DELIBERAZIONE N. 19/2 DE SU 28.3.2008

---

**Ogetu:** L.R. 2 austu 2005, n. 12, art. 11 - Assignatzione benes, personales e protzedimentos in cursu de sas comunidades montanas sessadas. Pròroga tèrmines.

S'Assessore de sos Entes Locales, Finàntzias e Urbanìstica relatat chi sende tzessadas sas comunidades montanas de sa Sardigna, su 23 martzu 2007, pro efetu de s'art. 11 de sa L.R. 2 austu 2005, n. 12, sa Giunta regionale cun sa deliberatzione n. 11/13 de su 20 martzu 2007, at numenadu sos commissàrios istraordinàrios licuidatores pro sa gestione petzi de sos afares currentes.

Ammentat, in prus, chi sa Giunta regionale, cun sa deliberatzione n. 9/15 de su 12 freàrgiu 2008, at deliberadu de concludire a manera definitiva sas gestiones commissàriales subra naradas intro su 31 martzu 2008 e at provididu a assignare, in atuatzione de su subra mentovadu art. 11, sos benes, su personale e sos protzedimentos in cursu a sos entes indicados in ie.

Relatat, in propositu, chi sunt lòmpidas rechestas diversas de pròroga dae sos commissàrios istraordinàrios licuidatores, motivadas dae su fatu chi intro su 31 martzu 2008, pro resones tècnicas meras e sìncheras, non si resessit a acumprire su protzedimentu de assignatzione.

S'Assessore, a fines de fatzilitare su protzessu de assignatzione subra naradu, proponet chi s'iscadèntzia de su 31 martzu siat transida a su 15 aprile 2008.

Sa Giunta regionale, a pustis de àere intesu sa proposta de s'Assessore de sos Entes Locales, Finàntzias e Urbanìstica e achiridu su parre de legitimidade de su Direttore Generale

DELÌBERAT

- de transire su tèrmine de su 31 martzu 2008 indicadu in su dispositivu de sa deliberatzione de sa Giunta regionale n. 9/15 de su 12 freàrgiu 2008 a su 15 aprile 2008. A custa die sos commissàrios istraordinàrios licuidatores de sas comunidades montanas in ogetu, sessant a titulu efetivu dae sas funtziones issoro.

Su Presidente de sa Regione disponet cun decretu suo sa pròroga de sos tèrmines subra narados.

**Su Direttore Generale**  
Fulvio Dettori

**pro Su Presidente**  
Francesco Foddis